

KHOTO YI TIYISISA LESWAKU MITLHERISO YA VUNWA YI NGA KOKA RINOKO RA MIXUPULO YA MAFAMBISELO NA VUCHUCHISI BYA VUGEVENGA

Tshwane, 10 Hlangula 2023 – Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter, u amukerile xiboho xa Khotokulu ya Aphili (SCA) xo bakanyela etlhelo aphili ya Ttn Ketsise Motlounge na Van'wana, no fanela ku hakela hi tihakelo. Khoto yi khomile leswaku a ku na nkoteko wa ku humelela.

Mhaka yi tisiwile ku sungula ekhoto endzhakukaloko SARS yi hetisisile oditi ya bindzu, leyi kumeke leswaku vaendlaswikombelo va rhumerile hi vomu mitlherisohava ya Xibalo xa Mixavo (VAT) na Xibalo xa Malinghena xa Tikhamphani (CIT) leswi tsarisiweke na SARS, loko hi le tlhelo va ri ku xaviseni no ngenisa malinghena no vanga tihakelo.

Xiboho xa SCA kwalaho xi khoma xiboho xo sungula xa Khotokulu xo yima na SARS, lexi tiyisisaka ahlulo wa Khoto ya Xifundza mayelana na nandzu wa mpapalato wa xibalo hi vomu ehenhla ka vaendlaswikombelo.

Eka ndzavisiso wa mhaka leyi, SARS yi kumile leswaku vuxokoxoko lebyi rhumeriweke eka vahakelaxibalo a byi ri vunwa. SARS yi ye emahlweni yi vula leswi yi nga swi kuma eka vaendlaswikombelo no humesa mixupulo ya mafambiselo ma xibalo. Muendlaswikombelo wa vumbirhi u amukerile leswi nga kumiwa na mixupulo leyi vuriweke hi SARS kambe a ala rhumelo wa mhaka wa leswaku mhaka yi chuchisiwa hi ndlela ya swa vugevenga. Vaendlaswikombelo va lwile leswaku leswi swi fikisile eka ngozi hi kambirhi naswona swipimelo swa Nawu wa Vulawuri bya Xibalo a swi nga fambisani na vumbiwa ku pfumelela vaendlaswikombelo ku voniwa nandzu kambirhi, hi ndlela ya mafambiselo na vugevenga eka nandzu wun'we. Tikhoto a ti kumangi mhaka leyi khomaka mati eka phikisano no ahlula hi ku yima na SARS laha, vaendlaswikombelo va nga tshunelela SCA.

Khomixinara wa SARS Ttn Edward Kieswetter, u ndhundzhuzerile matshalatshala ma vaofisiri va Khasitomo. "Vahakelaxibalo vo tala va xanisa sisiteme hi ku rhumela mitlherisohava kumbe ya vunwa, lokohiletlhelo va tumbeta migingiriko ya ntiyiso ya mabindzu ma vona. Xiboho xa tikhoto xi tiyisisile leswaku endlelo leri ra xikongomelo a hi ra nandzu wa xinawu ntsena, kambe ra vugevenga." Xikumiwa lexi xi seketela milavisiso ya xiyimo xa le henhla leyi endliweke hi SARS eka mpapalato wa xibalo hi vahakelaxibalo na leswaku yi tirhile kahle ku hakerisa nxupulo wa mpimanyisohansi eka ntlulo na rhumelo lowu landzelaka vuchuchisi eka swiendlo swa vugevenga ehenhla ka nkwama. SARS yi ta ya emahlweni yi lwa na lava yaka emahlweni va nge landzeleli milawu ya xibalo hi vomu. Leswi swi ta endliwa handle ka nchavo, tintswalo kumbe ringhohe.

Mayelana na vuxokoxoko hi xitalo u komberiwa ku tihlanganisa na SARS eka SARSMedia@sars.gov.za.